



II. BASES PARA A SELECCIÓN DAS ESCOLAS DEPORTIVAS PARA A SÚA INCLUSIÓN NO PROGRAMA MUNICIPAL DE ESCOLAS DEPORTIVAS “ACHÉGATE AO DEPORTE 2020-2021”.

Base 1.- Obxecto das presentes bases

Base 2.- Requisitos e solicitudes para participar no Programa Municipal de Escolas Deportivas.

Base 3.- Lugar, datos e presentación de solicitudes

3.1.-Lugar de Presentación

3.2.-Prazos de presentación de solicitudes e de actividades.

3.3.-Datos para a Presentación de Proxectos:

Base 4.- Descrición dos Proxectos incluídos no Programa Municipal de Escolas Deportivas.

4.1.-Proxectos Gañamos Todos.

4.1.1.-Actividades que formarían parte do Proxecto.

4.1.2.-Obxectivos específicos de este proxecto:

4.1.3.-Duración:

4.1.4.-Características das actividades:

4.1.5.- As actividades do Proxecto “Gañamos todos” van dirixidas.

4.1.6.-As actividades que se inclúan no Proxecto “Gañamos todos” deberán presentar:

4.1.7.- A presentación de solicitudes deberase realizar:

4.1.8.- Gratuidade de instalacións.

4.2.-Proxectos Educa.

4.2.1.- Proxecto de formación “educa”.

4.2.2.-Actividades que poderían formar parte do proxecto “Educa”:

4.2.3.-Duración do Proxecto “Educa”.

4.2.4.-Requisitos do Proxecto “Educa”.

4.2.5.-Presentación de solicitudes do Proxecto “Educa”.

4.2.6.-Vantaxes do Proxecto “Educa”.

4.3.-Proxectos Avanza

4.3.1.-Entidade Deportivas participantes.

4.3.2.- Información das Entidades Deportivas.

4.4.-Proxecto Día Internacional da Muller

Base 5.- Selección das Entidades e Proxectos. Criterios de Valoración e selección de proxectos.

5.1.- Inclusión no folleto.

5.2.- Formalización da participación.

5.3.- A selección dos proxectos presentados está condicionada por.

Base 6.- Resolución de solicitudes

6.1.-Inclusión dos seleccionados no Folleto do Programa Municipal de Escolas Deportivas.

6.2.- Formalización da participación no Programa Municipal de Escolas Deportivas Municipais.

Base 7.- Importes e contraprestacións.

Base 8.- Memoria da Actividade.

Base 9.- Infraccións e sancións.



II. BASES PARA A SELECCIÓN DAS ESCOLAS DEPORTIVAS PARA A SÚA INCLUSIÓN NO PROGRAMA MUNICIPAL DE ESCOLAS DEPORTIVAS “ACHÉGATE AO DEPORTE 2020-2021”.

Base 1.- Obxecto das presentes bases

Dende a Concellería de Deportes do Concello de Vigo, iníciase o programa de promoción deportiva “**Achégate ao Deporte**” para o período 2020-2021, relacionado coa iniciación deportiva, a través do proxecto para a promoción das escolas deportivas na cidade de Vigo, en colaboración coas entidades deportivas do tecido asociativo deportivo, clubs e federacións deportivas.

As presentes bases regulan os criterios para a selección das Escolas Deportivas que van a colaborar na implantación do antedito Programa Municipal mediante a valoración dos proxectos presentados polas distintas entidades deportivas. Para isto establécense os requisitos que deberán reunir as entidades deportivas, a documentación esixida, as características que deben reunir os proxectos que se propoñan para cada un dos programas así como os criterios para a súa valoración.

Base 2.- Requisitos e solicitudes para participar no Programa Municipal

Este programa contempla tódolos ámbitos de actuación na promoción deportiva dende a iniciación e formación da actividade deportiva, sen esquecer nestas actividades o ámbito do xogo e da competición, e para poder desenvolver o mesmo plantease a necesidade de definir unhas pautas de colaboración entre as diversas Entidades Deportivas ubicadas en Vigo ou delegacións das mesmas ubicadas en Vigo, e que de forma xeral veñen desenvolvendo diversas actividades de iniciación deportiva como fundamento da continuidade das súas principais actividades e sendo estas entidades as que mobilizan e dinamizan a práctica totalidade deste tipo de actividades na nosa cidade.

- a) O programa esta aberto a calquera entidade deportiva ou asociativa da cidade (Clubs, federacións, Agrupacións Deportivas, etc.), que poderán desenvolver as actividades nas instalacións deportivas municipais, ou nas instalacións dos colexios que soliciten a inscrición no programa municipal de escolas deportivas.
- b) Tódalas entidades interesadas deberán presentar a solicitude coa documentación esixida utilizando os modelos previstos nos anexos que acompañan as presentes bases
- c) Os proxectos presentados se valoran conforme os criterios que se establecen nestas Bases para a selección de Proxectos.

Unha vez recibidas tódalas solicitudes o a Concellería de Deportes plantea para o Curso 2020-2021, dentro do Programa “**Achégate ó deporte**” a Promoción Deportiva Municipal a través das Escolas Deportivas das Entidades formadas por un amplo abanico de opcións e segundo os mínimos esixidos as Entidades Deportivas da Cidade que forman parte do mesmo.

Neste novo ciclo, que comprende o período 2020-2021, de escolas deportivas debemos destacar as seguintes pautas xerais para poder definir os criterios de desenvolvemento:

- a) As Entidades deportivas colaboradoras coa Concellería de Deportes para o desenvolvemento do programa municipal de Escolas Deportivas reunirán os seguintes aspectos:



- As entidades deportivas participantes veñen desenvolvendo con anterioridade e regularidade as súas propias escolas e contan con medios humanos necesarios para o desenvolvemento das actividades propostas.
- As entidades deportivas da cidade atópanse arraigadas no tecido social do entorno.
- As entidades deportivas que participan reúnen uns criterios mínimos de calidade para o desenvolvemento e ampliación da súa propia oferta deportiva.

a) A Concellería de Deportes, como entidade xeradora do proxecto de escolas deportivas dentro da Campaña de promoción deportiva Municipal “Achégate ó deporte” aporta o presente proxecto os seguintes aspectos de colaboración:

- Ser o axente aglutinador e coordinador das necesidades de promoción e difusión do proxecto e promover a continuidade da participación nas actividades dentro de cada entidade responsable.
- Ser o responsable da unificación de criterios para garantir unha calidade na práctica e na formación deportiva das entidades participantes.
- Facilitar recursos materiais (Instalacións deportivas, e material deportivo) para poder ampliar a oferta das entidades participantes.
- Colaborar na financiación dos gastos xerais que teñen as entidades deportivas participantes, co obxectivo de facilitar o achegamento dun maior número de nenos e nenas.

Base 3.- Lugar, prazos e datos de presentación de solicitudes

3.1.-Lugar de Presentación

Todas as solicitudes deberán presentarse no Rexistro Xeral ou telemático, do Concello de Vigo.

3.2.-Prazos de presentación de solicitudes e de actividades.

Abrirase un período para a presentación de solicitudes, en torno o mes de Maio – Xuño de 20 días naturais. Rematado o prazo se comunicará as Entidades que entrarán a formar parte do Programa Municipal de Escolas deportivas.

Durante o mes de Agosto se presentará o Folleto do Programa Municipal de Escolas Deportivas que se poñera a disposición de todo o público e se publicará na páxina web do Concello.

O mes de Setembro será o establecido para a inscricións. Habrá un prazo para a renovación das prazas e outro para as novas inscricións. Todos os meses este prazo de inscrición estará aberto para que calqueira usuario se poida inscribir se houbera prazas dispoñibles.

O 1 de Outubro de 2020 comeza a actividade do Programa Municipal de Escolas Deportivas ata o 31 de Maio 2021. Establecendo como calendario de actividades o mesmo que o determinado pola Consellería de Educación para os Centros Escolares no Concello de Vigo. Os festivos e vacacións estarán determinados e sinalados no folleto do Programa e nos tablons das instalacións deportivas municipais.

3.3.-Datos para a Presentación de Proxectos:

Tódolos Proxectos deben incluír a seguinte documentación:



- ✓ Solicitud de inclusión das Escolas deportivas da Entidade Deportiva dentro do Programa Municipal de Escolas Deportivas (ANEXO 1.1) e proxecto para o programa municipal (ANEXO 1.2)
- ✓ Distribución de grupos de actividade (ANEXO 1.3)
- ✓ Datos relevantes para incluír no Proxecto Avanza (ANEXO 1.4)
- ✓ Póliza de responsabilidade Civil vixente para as actividades organizadas pola Entidade Deportiva.
- ✓ Declaración responsable conforme as entidades atópanse ao corrente coa TGSS, AEAT e Tesourería Municipal.
- ✓ Declaración responsable conforme a entidade deportiva coñece as normas de organización, funcionamento e uso das instalacións e se compromete ao seu cumprimento e difusión entre os usuarios.
- ✓ Certificación negativa no rexistro central de delincuentes sexuais de todos os monitores da entidade deportiva.
- ✓ O Proxecto da actividade que incluírá:
 - Obxectivos do proxecto.
 - Contidos das actividades que se realizarán.
 - Recursos materiais e Humanos cos que conta a Entidade.
 - Solicitud de material para o curso 2020-2021.

Base 4. - Descrición dos proxectos incluídos no Programa Municipal Escolas Deportivas.

A participación no Programa Municipal de Escolas Deportivas dará a posibilidade de participar en cada un dos Proxectos que dende este Programa se propoñen

4.1.-PROXECTOS GAÑAMOS TODOS.

4.1.1.-Actividades que formarían parte do Proxecto.

Todas as Entidades deportivas incluídas no Programa Municipal de Escolas Deportivas que presenten a solicitude e a documentación necesarias (Anexo 2.1)

4.1.2.-Obxectivos específicos de este proxecto:

- ✓ Promover e ordenar as competicións de Entidades Deportivas que pertencen ao Programa Municipal.
- ✓ Ampliar o número de actividades e a colaboración coas Entidades Deportivas que forman parte do Programa Municipal de Escolas Deportivas.
- ✓ Aumentar o número de nenos e nenas que forman parte do programa deportivo mediante dúas vías:
 - Incluindo nel a todos os participantes nestas actividades
 - Promocionando o Programa “Achégate o Deporte” nas actividades de competición e chegando a un maior número de público obxectivo.

4.1.3.-Duración:

A duración do proxecto sería do 1 de Outubro de 2020 o 30 de Setembro de 2021. Enmarcaría desta forma dende o comezo do curso escolar e todo o verán para dar cabida o maior número de competicións e torneos.



4.1.4.-Características das actividades:

Torneos, competicións ou xornadas con competición propia, na que a clasificación non sexa o obxectivo principal, senón a participación e a posta en práctica dos coñecementos e habilidades practicadas no Programa Municipal de Escolas Deportivas.

4.1.5.- As actividades do Proxecto “Gañamos todos” van dirixidas.

A todas as entidades deportivas que están inscritas no Programa Municipal de Escolas Deportivas “Achégate o Deporte” e que teñen algunha das súas escolas deportivas dentro do Programa.

Estas Entidades propoñerán a inclusión da actividade organizada no Proxecto “Gañamos todos”. Nesta actividade poderán participar nenos e nenas do club organizador e nenos e nenas de entidades invitadas polo club organizador, que reúnan as condicións establecidas de cobertura sanitaria e de idade menor de 18 anos.

4.1.6.- As Entidades que se inclúan no Proxecto “Gañamos todos” deberán presentar:

- Solicitude para a inclusión da actividade dentro do “Proxecto Gañamos Todos” conforme ao modelo recollido no anexo onde figurarán os datos identificativos da entidade (Anexo 2.1)

Indicarase a instalación que se solicita, unha breve descrición do evento, indicando a modalidade deportiva, o número de participantes sinalando si forman parte ou non do Programa de Escolas deportivas ou algunha entidade deportiva invitada a actividade, antigüidade do evento, número estimado de público e a situación de carteleira do programa Municipal de Escolas e do proxecto que compite na instalación durante todas as actividades.

- Unha vez admitida solicitude deberán achegar a documentación que se relaciona no modelo que comprende: a descrición completa do evento ou torneo (Obxectivos, descrición, duración, recursos,..) a relación de participantes no evento segundo pertencen ou non ao programa, e a cobertura de accidentes para todos os participante na actividade (Anexo)

-No desenvolvemento das actividades deberán establecerse criterios de educación en valores, prevención da violencia no deporte, creación de hábitos de vida saudables.

4.1.7.- A presentación de solicitudes deberase realizar:

-As solicitudes deben presentarse no Rexistro Xeral do Concello cun mínimo de 60 días de antelación da data de realización do evento para o seu estudo e inclusión no Programa.

-Unha vez aceptada a realización da actividade, antes da data de realización da mesma, débese entregar toda a documentación referente os participantes da mesma.

4.1.8.- Gratuidade de instalacións.

- Todas as actividades incluídas dentro do proxecto “Gañamos todos” estarán exentas de realizar o pago correspondente de aluguer de instalacións, por tratase dunha actividade ou programa organizado pola Consellería de Deportes.

4.2-PROXECTOS EDUCA.



4.2.1- Proxecto de formación “educa”.

Este proxecto está orientado a aumentar e promover as actividades que esten organizadas polas Entidades Deportivas pertencentes o Programa Municipal de Escolas Deportivas, que teñan como obxectivos os mesmos que o Programa Municipal e así ofrecer de unha oferta formativa de base maior que a proposta dentro da programación de actividades que ata agora se dispoñen.

4.2.2.-Actividades que poderían formar parte do proxecto “Educa”

Campus de Verán, xornadas de tecnificación, ou calquera outra actividade que a Concellería de Deportes considere unha ampliación do propio Programa Municipal de Escolas Deportivas, no que se aumente e sexa unha evolución para acadar maiores beneficios para os nenos inscritos no Programa de Escolas Deportivas, manteñan os mesmos obxectivos, esencia lúdica e educativa do programa.

4.2.3.-Duración do Proxecto “Educa”.

A duración do proxecto sería do 1 de Outubro de 2020 o 30 de Setembro de 2021. Enmarcaría desta forma dende o comezo do curso escolar e todo o verán para dar cabida o maior número de actividades.

4.2.4.-Requisitos do Proxecto “Educa”.

-Solicitude da inclusión da competición dentro do “Proxecto Educa” conforme ao modelo recollido no anexo onde figurarán os datos identificativos da entidade.(ver anexo 2.1)

- Unha vez aceptada a solicitude, e entidade deberá presentar a documentación que se relaciona no modelo:

- Proxecto docente. Obxectivo, duración, prezo, memoria económica da actividade con gastos e ingresos, características.
- Relación de todos os participantes (pertenzan ou non o programa “Achégate o deporte”). Nome, Apelidos, Idade, Entidade deportiva.
- Todos os participantes deben ter unha idade menor de 18 anos.
- Cartelería visible no evento do programa Municipal de Escolas e de proxecto EDUCA na instalación durante todas as actividades.
- Para todos os nenos que non formen parte do programa deben de presentar un seguro de responsabilidade pola actividade. (ver anexo 2.1).
- Estableceranse criterios de educación en valores, prevención da violencia no deporte, creación de hábitos de vida saudables.

4.2.5.-Presentación de solicitudes do Proxecto “Educa”.

-As solicitudes deben presentarse no Rexistro Xeral do Concello cun mínimo de 60 días de antelación da data de realización do evento para o seu estudo e inclusión no Programa. (Ver anexo 2.1)

-Unha vez aceptada a realización da actividade, antes da data de realización da mesma, débese entregar toda a documentación referente os participantes da mesma.

4.2.6.-Vantaxes do Proxecto “Educa”.



-Prezo da instalación será o establecido na ordenanza de prezos públicos vixente coma de adestramento no artigo 19.4 e non o que se establece na ordenanza correspondente a competicións, exhibicións, campus e torneos no artigo 19.2.

4.3.-PROXECTOS AVANZA

Este proxecto está orientado e promover e dar visibilidade a todas as actividades que esten organizadas polas Entidades Deportivas pertencentes o Programa Municipal de Escolas Deportivas. De este xeito ofrecer de unha oferta formativa de maior que a proposta dentro da programación de actividades que se ofertan dende o Programa Municipal de escolas deportivas.

4.3.1.-Entidade Deportivas participantes.

Poderán participar todas as entidades deportivas que formen parte do Programa Municipal de Escolas deportivas e presenten no Proxecto de Escolas Deportivas os datos necesarios.

4.3.2.- Información das Entidades Deportivas.

No propio folleto do Programa Municipal de Escolas Deportivas expoñeranse toda a información que ofrezca cada Entidade deportiva e que esta queira destacar, como número de equipos da entidade, categoría dos equipos, idades de traballo (Anexo 1.3)

Este espazo está orientado tamén para que cada entidade deportiva poida presentar as actividades que realizan ou proxectos que realizan durante o ano, así como os logros, ascensos, premios....

Nun lugar destacado aparecerán os importes das súas actividades, características, descontos e formas de pago

4.4.-PROXECTO DÍA INTERNACIONAL DA MULLER.

O día 8 de Marzo celebrárase o día internacional da muller, dentro do Programa Municipal de Escolas Deportivas apoiárase con un acto conmemorativo este día. A actividade enmarcarase como un proxecto integrador e educativo para todos as entidades deportivas e participantes das escolas deportivas dos clubs que integran o Programa Municipal de Escolas Deportivas.

Base 5 .- Selección de Proxectos. Criterios de Valoración e selección dos Proxectos

5.1 Os criterios establecidos para a selección de Proxectos que pertencerán o Programa Municipal de Escolas deportivas serán os utilizados para determinar as Entidades Deportivas que poderán incluír as súas Escolas Deportivas dentro do Programa Municipal de Escolas deportivas.

5.2 Criterios de valoración :

- A antigüidade no Programa Municipal de Escolas Deportivas. As escolas deportivas que participaran nas última edición do programa poderá seguir participando no mesmo unha vez presentado o proxecto e a documentación para a súa inscrición.
- Darase prioridade aos novos Proxectos nas instalacións onde non se esté a ofertar a modalidade deportiva proposta sobre outros proxectos que soliciten algunha modalidade que esté presente na mesma instalación.
- Proxectos presentados nos prazos establecidos e con toda a documentación que neste documento se solicita. Terase en conta os proxectos presentados coa inclusión de aqueles



que promovan criterios de educación en valores, prevención da violencia no deporte, creación de hábitos de vida saudables.

- A distribución dos grupos presentados, valoración do número de grupos, capacidade de evolución da actividade na instalación deportiva solicitada. Niveis dos grupos presentados, número de prazas e idoneidade da distribución horaria.
- O número de licenzas presentadas pola entidade deportiva na tempada anterior.

5.3 A selección dos proxectos presentados está condicionada por:

- As limitacións nos espazos dispoñibles nas instalacións deportivas municipais.
- O calendario e horario previsto para o Programa Municipal que será de luns a venres en horario de 17:00h a 20:00h.

Base 6.- Resolución das solicitudes presentadas:

Unha vez revisadas todas as solicitudes comunicárase a resolución favorable ou desfavorable a cada unha das entidades cos horarios e grupos aprobados, sinalando os motivos específicos en caso de desestimación da solicitude, e publicarase no taboleiro do servizo de deportes na instalación de Travesas e na web do Concello.

A selección de todas as entidades deportivas realizarase dende o servizo de deportes, polo persoal técnico, cos criterios establecidos no punto 5 de estas bases, realizando un informe favorable das entidades incluídas.

6.1.-Inclusión dos seleccionados no Folleto do Programa Municipal de Escolas Deportivas.

As entidades que contén co informe favorable, incluíranse no folleto do Programa Municipal de Escolas Deportivas para o ano 2020-2021.

6.2.- Formalización da participación no Programa Municipal de Escolas Deportivas Municipais.

Unha vez finalizado o prazo de inscrición de participantes e antes de comezar as actividades do Programa Municipal de Escolas Deportivas o 1 de Outubro de 2020, comunicárase as entidades que non acaden o mínimo de inscritos para a viabilidade da mesma, e polo tanto a súa exclusión do Programa Municipal de Escolas Deportivas.

As entidades que acaden o mínimo de inscricións para a realización das actividades, terán a posibilidade de quedar incluídas no Programa Municipal de Escolas deportivas mediante a sinatura do Convenio de Colaboración.

Base 7.- Importes e contraprestacións.

Prezo das inscricións no Programa.

- O Prezo público será o establecido na Ordenanza de Prezos públicos vixente no momento da realización da inscrición. No ano 2020 é de 44,25 € para as actividades xerais e de 114,00 € para as actividades no medio acuático (Natación Sincronizada, Remo, Piragüismo, Vela, Kayak, Waterpolo) e escalada.
- O prezo é por todo o programa (de 1 de Outubro de 2020 a 31 de Maio de 2021). O prezo de inscrición do mesmo non se modifica, independentemente do mes de inscrición.



As contraprestacións para as Entidades Deportivas que inclúan as súas Escolas Deportivas dentro do Programa Municipal de Escolas Deportivas son:

- Gratuidade das instalacións deportivas.
- Material deportivo para a realización das actividades. O inicio de cada curso distribuirase o material necesario para a realización da actividade en función das posibilidades orzamentarias do propio Programa.
- Compensación económica establecida no Programa:
 - 6.00 € por cada nen@ inscrist@ / mes.
 - Módulo 120 € mes. En actividades que por motivos organizativos e seguridade, non poidan acadar os 20 alumnos por monitor.

Base 8. - Memoria da Actividade.

Unha vez rematada a actividade, todos as Entidades Deportivas que participan no Programa Municipal de escolas deportivas deberán presentar unha memoria final de actividades, na que deben aparecer os seguintes apartados:

- Datos da entidade.
- Número de inscricións.
- Resumo de actividades.
- Informe de Incidencias.
- Valoración global da actividade.

Bases 9.- Infraccións e Sancións.

A Concellería de deportes valorará en cada caso as infraccións que se puiderán producir e determinará as consecuencias das mesmas, poidendo suspender e anular a participación da Entidade Deportiva dentro do Programa.